

INUIT ATAQATIGIIT

Inatsisartuni



UKA2020/119
20.10.2020
Mikivisuk Thomassen

Immap naasuinik tunisassiornerup pilersinnissaanut annertusarnissaanullu tunngatillugu misileraanernut aningaasaliissutaasartussat siunertamut tulluarnerusumik qanoq ilusilerneqarsinnaanerit atuutsinneqarsinnaanerallu pilugit nassuiaammik Naalakkersuisut saqqummeeqqullugit peqquneqarnissaannik Inatsisartut aalajangiiffigisassaattut siunnersuut. Ilaatigut kommunit inuussutissarsiortullu misilittagaat nassuiaammut ilaatinneqassapput. Nassuiaat UKA2021 sioqqullugu Inatsisartunut agguanneqassaaq, taamaalilluni nassuiaammi inerniliunneqartut AIS2022-ip suliarineranut ilanngunneqarniassammata.

(Partii Naleqqap, Inatsisartunut ilaasortaaitai)

Inuit Ataqatigiinniit imaattumik oqaaseqassaagut; ilumoorpoq immap naasui atorluarneqarsinnaasut atorluarneqannginneri inerisarneqarsinnaalluartut atorluangninnatsigit. Inuit immap naasuinik soqutigisallit atorluartaraat takusinnaalernikuuvarput tamannalu inerisarneqartariaqarpoq annertusarneqartariaqarlunilu.

Immap naasui nunarsuarmioqatsitinnit atorluarneqaqisut ilisimalersimavarput, naatsorsuutigisinnaavaralu aamma nunatsinni sorpassuarnut atorneqarsinnaasut, tassami nerisassiatut nioqqutsissiarineqartarput tamakkualu uagut pisiniarfitsinni pisiareriaannaavagut naak nunatsinni imartatsinni annertuumik pigigaluarlugit.

Immap naasui pisuussutitta ilaattut taaneqarsinnaapput atorluangiinnarpagulli uggornartumik.

Siunnersuuteqartut oqarnerattuut imartatsinni qeqqussanik allanillu pisuussutinik peqarluarnera takusinnaavarput.

Sooruna immap naasui atorluarneqanngitsut? Qanoruna pisariutigisoq tunisassiorsinnaanerput? Suunukua ersarissumik / ersinngitsumik aporfilersuutaasut? Apeqquterpassuit uanni sarsuapput, imartatta pisuussutaat ukiorpassuarni atorluarneqanngitsut uggornarmat.

Inuit Ataqatigiinniit pitsaasumik nunatta imartattalu inerisarneqarnissaat sulissutiginnissaa soqutigisarivarput peqataaffigissallugu. Nunap inui anguniagallit tapersersortuarneqarnissaat nukittuffiginerusariaqarparput taakkuummatami nunami maani ilisimasaqarluartut inerisaaqataanissaminnut.

Taamatut oqaaseqarluta saqqummiussaḡ taperserlugu ataatsimiititaliamut susassaḡartumut ingerlateqqipparput.